

秘書集成

秘書集成

23

本卷內收人《喉科秘訣》、《癰科全書》、《陳氏幼科秘訣》、《秋瘡指南》、《溫證指歸》、《女科折衷纂要》、《醫學妙諦》等古籍七種。

喉科秘訣

喉科秘訣提要

喉科秘訣二卷爲大埔社友何約明寄自檳榔嶼者原著者題破頭黃真人經宮蘭翁姜白石二君傳述爲曹炳章君評閱何君弁言曰余家四世業醫先代有遊惠陽者有遊閩嶠者足跡所及交遊以廣留傳醫籍大都先賢遺著茲所檢得一帙亦屬罕見之作得此孤本讀之覺全書擷精摘粹別具深心要語不煩切於實用洵爲初學之津梁而喉科所必資爲參考者之書

喉科秘訣弁言

破頭黃真人者不知何許人所傳喉科秘訣一書世鮮能知而宮姜周三先生者亦不可得而聞焉余家四世業醫先代有遊惠陽者有遊閩嶠者足迹所及交遊頗廣留傳醫籍大都先賢遺著茲所檢得抄本一帙亦屬罕見之作晚近喉科之書如鄭梅澗先生重樓玉鑰張善吾先生白喉捷要良方楊龍九先生囊秘喉書吳氏之咽喉二十四症歌訣張氏之咽喉七十二症圖說曹炳章先生之喉痧證治要略張若霞先生之通俗咽喉科學於喉科症治類多闡發然得真人之孤本而讀之則擷精摘粹別具深心要語不煩切於實用洵爲初學之入門而喉科所資爲參攷者也是烏可任其湮沒而不彰歟爰亟校錄一冊郵寄醫社裘公吉生俾刊傳於世公之天下弁此數言聊誌願末云爾時
中華民國十有一年八月十八日大埔何光約明謹書於南洋檳榔嶼大山脚

喉科秘訣弁言

杏和堂醫寓

二

喉科秘訣例言

一是書原寄紹社刊行因前稿被郵局失誤爰將原稿重加刪補期於完善轉寄社友曹炳章先生鑒定以昭鄭重

一是書校錄前後二次凡三易稿原本魯魚亥豕誤點殊多不揣鄙陋妄有僭改並加按語閱者諒之

一是書方藥尙嫌駁雜蓋喉科最忌辛燥刪去一二剽疾之品其餘悉仍其舊以存廬山真相至於加減變通是在明者師其意勿拘其方可也

一是書喉風症名與他書間有不符當參攷重樓玉鑰庶相得益彰

中華民國十二年十一月廿二日編者再識

喉科秘訣例言

二

喉科秘訣目錄

卷上

神字號玉華散

聖字號通利散

功字號積雪膏

巧字號定風針

附風熱喉辨方

附積熱喉辨方

附痰熱喉辨方

附虛熱喉辨方

附鍼灸須知

附誌

卷下

單鵝風

雙鵝風

單口風

松子風

搭頰風

外鎖風

斗底風

木舌風

重舌風

二

蓮花舌
牙蟬風
雙纏風
驢嘴風
稔舌風
飛鵝風
懸痼風
楓葉風
漏腮風
大喉風
帝中風

喉科秘訣目錄

爛喉風

大水風

附壞症須知

四

喉科秘訣卷上

宮蘭翁傳述

大埔何 光編錄

破頭黃真人原著

姜白石傳述

四明曹炳章評閱

周 詩參訂

紹興裘吉生校刊

喉科大要須辨內外二因及明五行生尅如外感六淫之邪痰火上壅而爲病
內傷飲食煎炒熱傷肺胃及房勞傷腎鬱怒傷肝其中五臟生尅如金尅木則
宣其肺當補其肝木得和而病卽安木尅土則宣其肺當補其脾土得安而病
自愈土尅水則宣其脾當補其腎水得潤而病自己水尅火當滋其腎而養其
心火得暖而病自痊火尅金當瀉其心而補其肺金得潤而病自除故病有淺
深實虛必究其因而治之爰定神聖功巧四字隨證化裁可也

神字號玉華散

喉科秘訣卷上

專治咽喉三十六症一切鵝腫並用之 血竭三錢 白礬一兩 芒硝一兩
乳香五錢 沒藥五錢 硼砂五錢 雄黃三錢 麝香一分 冰片五分
共爲細末秤過每兩加入膽礬一分俱係生用不須製

歌曰血雄三錢礬一分五錢乳沒硼砂同礬硝一兩一分膽片腦細末用五分

聖字號通利散

治毒氣秘結大便不通原名敗黃散有泄者當忌之 白礬五錢 芒硝三錢
雄黃三錢 巴豆一錢去壳淨油 共爲細末看病淺深一遍或用三匙調和
溫服取其通利大便二三次看患者虛實用之或煉蜜爲丸如龍眼大調溫湯
下取泄立效

歌曰敗黃巴豆散油壳去一錢雄硝三錢足礬是半兩間煉蜜爲丸用通利病
卽痊

功字號積雪膏

量病輕重用前神藥末如入膽礬五分若出膿加入熊膽一錢若病人沉重喉竅俱塞可入一錢輕者可用二三分若病人心煩顛倒口出鬼言可入硃砂五分竹茹五分即安寢

巧字號定風針

巧者取鍼去血並無亂刺當針則針不當針則止遵范九思之鍼灸法看病深淺如何隨證變通爲巧若淺者虛者偶然鍼愈不知鍼之毒隨或反害者有之宜針不宜針可自斟酌爲之鵝瘡有黃白者頭上可鍼破敷神藥末捕膿血出者不可亂刺不用神藥末用真喉末可也

一病者如喉中忽然生單鵝或雙鵝多起於睡醒覺之或起了二三日微礙遇熱而觸動卽時礙氣難吞牙關緊合不開將神藥末一匙挑入牙關內左右

俱用藥二遍痰卽開一刻間再吹神藥末含得爲水先遍嚥下含次遍爲水口吐撒再用藥三遍方可看內病如何若瘡形紅腫只用神藥末吹之自消如潮熱憎寒不退急用通利散三匙瀉之川連翹消毒飲數服不拘時候時時服之敗其毒也

連翹消毒飲 連翹一錢升麻五分防風五分荊芥四分僵蠶一錢全蝎四分牛蒡五分白芷七分黃柏一錢黃連一錢桔梗五分薄荷五分甘草五分水二碗煎服（炳章按如舌尖赤喉間赤或紫午後疼痛增劇便燥結雖有身熱宜辛涼橫開如升防殭白芷皆在禁例）有熱加柴胡（炳按柴

胡宜改桑葉）七分黃芩七分 有痛不止要加 乳香三分 沒藥三分

小便不通加木通七分車前子七分 有痰盛者加半夏七分瓜蒌七分

一病喉內生鵝煩熱憎寒內如粟壳黃疱瘡連爛口舌卽用神藥末吹鵝中此